

**Eleccions
al Parlament
de Catalunya
2012**

www.parlament2012.cat

Informacion: 93 551 59 90

012
gencat.cat
Codi de la trucada segons operadora



Generalitat de Catalunya
**Departament de Governació
i Relacions Institucionals**



**Generalitat
de Catalunya**

Eleccions al Parlament de Catalunya 2012

Manuau d'instruccions entàs membres des mèses electoraus

Supervisat pera Junta Electoral Centrau
Session 10.10.2012

REMÈRCA: es articles que se nomenten en present manau corresponen ath tèxte dera **Lei organica 5/1985, de 19 de junh, de regim electorau generau** e posteriores modificacions.

Introduccion	3
Es mèses electoraus	4
Es membres des mèses electoraus	5

8.00 h **Prumèra fasa: Constitucion dera mèsa**



1. Amassada en locau electorau	6
2. Verificacion deth materiau electorau e des condicions deth locau	7
3. Recepcion des interventors des candidatures	9

8.30 h



4. Acta de constitucion de taula	11
----------------------------------	----

9.00 h **Dusau fasa: Votacion**



1. Dubertura deth collègi electorau e començament dera votacion	12
✓ Interrupcion	
✓ Suspension	
2. Desvolopament dera votacion	13
3. Fin dera votacion	17

20.00 h **Tresau fasa: Escrutinh**



1. Mecanica der escrutinh	18
2. Fin der escrutinh	20
3. Acta dera session	21
4. Finau dera jornada electorau	22

Resum jornada electorau	24
Orde public	25

Introduccion

El pròper dia 25 de noveme deth 2012 se hèn es eleccions ath Parlament de Catalunya.

S'auetz rebut aquest manau, ei perque auetz estat designat entà èster membre titular o suplent d'ua taula electorau pendent era jornada de votacion.

Se vos platz, liegetz-lo damb atencion. D'aguesta manèra poderatz hèr corrèctament es foncions que vos corresponen.

Es membres des taules electoraus son trigadi publicament ara sòrt pes ajuntaments entre es persones censades en cada seccion electorau, qu'agen mens de setanta ans e que sàpien liéger e escriúer.

Èster membre d'ua taula electorau ei un déuer civic ineluctable. Sense era disposicion e er esfòrç des lèu lèu 75.000 persones (entre membres titulars e suplents) que compòsen es mès de 8.000 taules electoraus serie impossible desvolopar un procès electorau.

MISSION

Es mèses electoraus formen part dera Administracion electorau e an ua competència transcendentau: recuélher es vòts des electors ena jornada electorau e hèr-ne eth recompte ua viatge acabada era votacion.

MEMBRES

Cada mèsa electorau ei compausada per un president e dus vocaus. Cada un d'eri aurà designadi dus suplents, es quaus tanben auràn de presentar-se en locau electorau eth dia dera eleccion tàs 8.00 ores. Es suplents, cas de que se presenten es titulars, poderàn anar-se'n.

Toti es membres dera mèsa (titulars e suplents) auràn de signar era listra de membres dera mèsa.

INTERVENTORS E APODERADI*

Es interventors **assistissen** es mèses electoraus en exercici des foncions qu'an encomanades e participen enes deliberacions damb votz mès sense vòt (art. 79.2).

Es apoderadi ostenten era representacion dera candidatura enes actes e operacions electoraus.

* Veir pagina 10.

Autant es presidents com es vocaus e es interventors des mèses electoraus an era consideracion de foncionaris publics e non les pòt detier cap d'autoritat pendent es ores d'eleccion, exceptat eth cas de delictes flagrants (art.90 e 135.1).

REPRESENTANT DERA ADMINISTRACION

S'acreditarà dauant deth president dera mèsa mejançant era correponenta credencial e eth sòn DNI, entà sollicitar era confirmacion oficiala dera dubertura dera mèsa e confirmar es nòms des membres dera mèsa.

Se tornaràn a presentar dauant deth president dera mèsa entàs 13.00 ores e entàs 18.00 ores entà sollicitar eth nombre de votants enquiad aqueri moments. E, acabat er escrutinh sollicitarà ath president dera mèsa es resultats dera votacion entà pr'amor de poder-les comunicar entara recuelhuda de donades provisionaus.

Membres des mèses electoraus

Es membres des taules electoraus qu'efectivament exercisquen com taus eth dia dera votacion, an dret a:

- ✓ Ua dièta de **62** euros, es vocaus.
- ✓ Ua dièta de **70** euros, eth president.

Aguesti pagaments non son subjèctes a retencion der IRPF. Er impòrt superior assignat ath President se justifique pera responsabilitat qu'ostente pendent era jornada electorau e especiaument pera de liurar es envolòpes de documentacion electorau ath jutjat de primèra instància e/o de patz.

✓ Un permís retribuït entath dia dera votacion, s'ei obrèr, e ua reduccion de cinc ores de durada ena sua jornada de trabalh deth dia despús des eleccions, en cas de treballadors a compde de auti e foncionaris.

✓ Era proteccion deth sistèma dera Seguretat Sociau deuant d'eventualitats e situacions que podessen derivar-se dera sua participacion enes eleccions.

Era mès a de compdar en **tot moment**, coma minim, damb era preséncia de **dus** des sòns membres (art. 89).

Es cargues de president, vocau e es sòns remplaçants son obligatòris e, se dèishen d'anar a exercir es foncions corresponentes, pòden incórrer ena pena de preson de tres mesi a un an o multa de sies a vint-e-quate mesi.

PRUMÈRA FASA: Constitucion dera mèsa electorau

1. Amassada en locau electorau entàs 8.00 ores

Amassada en locau electorau

Entàs 08.00 ores deth dia dera votacion, eth president, es dus vocaus e es suplents respectius s'an de reünir en locau corresponent a cada mèsa entà constituïr era mèsa electorau (art.80.1).

S'eth president non i va, aurà d'èster remplaçat en tot seguir eth següent orde:

- ✓ Peth sòn prumèr remplaçant
- ✓ Se non i é, eth dusau remplaçant
- ✓ Se non i a cap de remplaçant actue coma president eth prumèr vocau
- ✓ Se non i é, eth dusau vocau (art.80.2).

S'es vocaus non s'an presentat en collègi electorau o Bén an de remplaçar ath president:

- ✓ Seràn remplaçadi pes remplaçants respectius.

Se maugrat es remplaci mercadi anteriorament non sè pot constituïr era mèsa, es membres presents e, se non i son, era autoritat governativa:

- ✓ Comuniquen ara junta electorau de zòna qué a passat per telefon o per quin aute que sigue mejan que permete era notificacion immediata e,
- ✓ Envien ua declaracion per escrit d'aquerò qu'a passat ena junta electorau de zòna.

Era junta electorau de zòna designarà as personas qu'an de constituïr era taula, e pòden manar que ne formen part es electors presents en locau (art. 80.4).

Se, maugrat açò non se pòt constituïr era mèsa abantes des 10.00 ores, es membres presents o era autoritat governativa ac comunicaràn de nau ara junta electorau de zòna, era quau convocarà ua naua votacion que s'amiarà a tèrme enes dus dies següents. Era convocatòria s'a de fixar ena pòrta deth locau electorau e era junta electorau a de nomenar nau membres dera mesa.

8.00 h

S'amassen eth president, es vocaus e es remplaçants en locau indicat en imprés en quau les an notificat qu'an estat designadi membres dera mèsa.

Era mèsa s'a de constituïr, necessàriament, damb un president e dus vocaus.

PRUMÈRA FASA: Constitucion dera mèsa electorau

2. Comprobacion deth materiau electorau e des condicions deth locau

Es **membres** dera mèsa, un viatge constituïda, auràn de **comprovar** que dispòsen de toti es **elements materiaus de besonh** entath bon foncionament deth procès electorau. Cada mèsa electorau a de dispausar coma minim de (art 81.1):

✓ Ua urna per mèsa electorau

Era urna a d'èster barrada e sagerada, coma garantia que non pòt èster pas manipulada. Per aquerò, en cas de trincament o deterioracion deth sagèth, eth president dera taula, se non podesse obtier oportunament ua auta urna dera junta electorau de zòna, aurà d'assegurar eth barrament dera urna damb um aute mejan qu'age ara man.

✓ Ua cabina de votacion

Era cabina a d'èster ena madeisha cramba o locau a on se hèsque era votacion, e en un lòc en miei dera entrada e era taula electorau.

✓ Envolòpes e paperètes

Tota era jornada, e mentre dure era votacion, i a d'auer un nombre sufisent d'envolòpes e paperetes de totes es candidatures que se presenten tara eleccion. Es paperetes s'an de plaçar ena cabina o en un lòc propèr (taula auxiliara).

✓ Documentacion e impresi

Era mèsa electorau a de dispausar dera documentacion e impreso següents:

- **Dus exemplars dera listra deth cens electorau** corresponents ara mèsa. Ua s'a de plaçar ena entrada deth locau entà qu'es votants les poguen consultar. Era auta demore a disposicion dera mèsa entà qu'es sòns membres poguen comprovar que cada votant figure inscrit en cens.

DOCUMENTACION DE VOTACION ACCESSIBLE

En sòn cas, **listra d'aqueres persones damb deficiència visuau que coneishen eth sistèma de lectoescritura braille** e que se les age reconeishut un grad de deficiència parièr o superior ath 33 per cent, qu'agen comunicat era sua intencion d'utilizar eth procediment de vòt accessible entad aquest sistèma de votacion, que se liurarà as electors includits ena listra.

2. Comprobacion deth materiau electorau e des condicions deth locau

✓ Documentacion e impresi (cont).

- Modèls oficials d'actes:

- Acta de constitution dera mèsa.
- Acta d'escrutinh.
- Acta dera session.

- Lистра numerotada de votants, a on se mercaràn es qu'emeten vòt.

- Certificats de votacion, entàs votants qu'ac demanen.

- Còpia des nomenaments (credenciaus) des interventors qu'actuaràn dauant dera mèsa.

- Còpia des nomenaments (credenciaus) des electors inscrits en cens dera mèsa qu'an d'actuar coma interventors en ua auta mèsa.

- Un jòc de tres envolòpes e es recebuts de liurament corresponents (son es envolòpes a on s'a d'introdusir era documentacion electorau un cop finalizat er escrutini e que se determine ena part corresponenta d'aguest manau).

S'en bèth moment s'obsèrve quauqua deficiència o manque bèth un des elements que se nomenten ara seguida (urna, cabina, envolòpes, paperetes, documentacion e formularis), eth president ac a de comunicar immediatament ara junta electorau de zòna entà que procedisque ara sua distribucion (art. 81.4).

CONDICIONS DETH LOCAU ELECTORAU

I a d'auer taules e cagires sufisentes entàs membres dera mèsa electorau, lum apropiada, materiau d'escritòri e pannèus de senhalizacion.

Es seccions e es mèses auràn d'èster degudament senhalizadas e es accèssi auràn d'èster adaptadi tàs personas damb limitacions de mobilitat.

Se se produsís bèra deficiència o quauqua mancaça deth locau electorau, s'aurà de comunicar immediatament per telefon ara junta electorau de zòna entà que la solucione.

PRUMÈRA FASA: Constitucion dera mèsa electorau

3. Recepcion des interventors des candidatures

Entre es 08.00 e es 08.30 ores, era taula recep es nomenaments (credenciaus) que presenten es interventors designadi pes diferents candidatures

Eth/era president/a dera mèsa a de comparar es nomenaments damb es còpies que figuren entre era documentacion dera mèsa e comprovar que coïncidissen.

En aquest cas:

- ✓ s'an de numerotar a mesura qu'es interventors se vagen presentant, entà auer constància der ordre de presentacion.
- ✓ s'a d'indicar ar interventor qu'era mèsa lo reconeish.
- ✓ s'a d'includir eth nòm der interventor ena acta de constitucion dera mèsa, en apartat corresponent (lista d'interventors admetudi pera mèsa).
- ✓ s'an de retornar es nomenaments (credenciaus)levat que non s'agen rebut es còpies. En aqueth cas, se consèrven entà adjunher-les ar expedient electorau, e se hiquen ena envolòpa num. 1 quan era jornada electorau ei acabada.

Problèmes que i pòt auer:

1. Que non s'agen rebut es talons entara taula.
2. Que se dobte dera autenticitat des credenciaus.
3. Que se dobte dera identitat des persones que se presenten coma interventors.
4. Qu'es interventors se presenten ena taula despús des 8.30 ores, quan ja sigue hèta era acta de constitucion.

En toti aguesti casi, eth president aurà de consignar era cisconstància exposada ena acta de constitucion dera taula, entath sòn esclariment posterior e, enes ipotèsis 1,2 e 3 darà possession deth cargue as interventors, e ena ipotèsi 4 non se les darà possession deth sòn cargue, mès òc poderà votar ena taula.

Es credenciaus son es documents a on figure eth nomentament d'ua determinada persona interventor o interventora d'ua candidatura.

Sonque pòden exercir ena taula un màxim de dus interventors per cada candidatura, e per açò a d'anar numerotant es credenciaus a mesura qu'es interventors se vagen presentant.

INTERVENTORS

- ✓ Cada candidatura pòt designar a dus interventors per cada taula electorau.
- ✓ Exercissen era sua foncion sonque ena taula que s'an acreditat.
- ✓ Pòden formular reclamacions e protèstes e demanar certificacions.
- ✓ Pòden assistir ara taula e participar enes sues deliberacions damb votz mès sense vòt.
- ✓ Es interventors de cada candidatura acreditadi ena taula se pòden substituir entre eri.
- ✓ En cada moment només pot actuar un interventor per candidatura.

✓ Vòten ena taula ena quan s'an acreditat, encara que non còsten en sòn cens electorau.

APODERADI

- ✓ Es apoderadi ostenten era representacion dera candidatura enes actes e operacions electoraus.
- ✓ Pòden accedir liurament a toti es locaus electoraus, examinar eth desenvolopament dera votacion e der escrutinh ena taula que sigue, formular reclamacions e protèstes e demanar certificacions.
- ✓ Se non i a interventors dera sua candidatura, es apoderadi pòden exercir coma taus deuant dera taula, participar enes sues deliberacions damb votz e sense vòt.
- ✓ S'an d'identificar coma taus en mostrar eth sòn nomentament (credenciau) e eth sòn DNI as membres dera taula.

✓ Sonque pòden votar ena mèsa a on figuren censats.

INTERVENTORS E APODERADI

Pòden ostentar emblèmes o adhesius dera entitat politica ara quan representen, mès sonque entà identificar-se coma interventors o apoderadi d'aquera candidatura, e sense qu'aquerò represente propaganda electorau.

1. Dubertura deth collègi electorau e començament dera votacion

Entàs 09.00 ores comence era votacion e eth president ac anonciarà damb es paraules “**comence era votacion**” e contunhe sense interrupcion enquiàs 20.00 ores (art 84.1).

A despièt d'açò, era votacion pòt interromper-se o suspener-se enes cassi següents previsti pera lei:

✓ Interrupcion

Eth president a d'interròmpet era votacion pr'amor dera absència de paperetes de bèra ua des candidatures e non pòt suplir-les mejançant paperetes subministrades pes interventors o apoderats dera corresponenta candidatura.

Aguesta situacion, eth president l'a de comunicar per telefon ara junta electorau de zòna, era quau provedirà immediatament era mèsa de naues paperetes.

Era interrupcion non pòt durar mès d'ua ora e era votacion s'a de prorrogar tant de temps com s'age interromput.

✓ Suspension

Era suspension dera votacion se produsís, ben per ua interrupcion superiora a ua ora, o ben per quaussevolh motiu que hè impossible la votacion.

Abantes d'adoptar era decision de suspèner era votacion, eth president a de demanar era opinion a toti es membres dera mèsa, s'es circonstàncies ac hèn possible, de consultà'c per telefon ara junta electorau de zòna.

Un viatge adoptada era decision de suspèner era votacion, que s'a de reflectir en escrit rasonat, eth president a d'ordenar era destruccion de totes es paperetes depositades enquia aqueth moment enes urnes e a d'enviar immediatament ua còpia der escrit rasoat nomentat ara junta electorau provinciau, a man o per corrèu certificat (art. 84.2).

Era votacion ei **SECRETA** e se realitzarà sense interrupcion entre es **9.00** e es **20.00** ores.

Era votacion se **prorrogarà** dempús des 20.00 ores sonque en supausat que s'age produsit ua interrupcion, pendent era estona qu'age durat era nomentada interrupcion. Aguesta decision l'adoptarà eth president dera mèsa mejançant escrit rasonat.

Suspenuda era votacion en ua mèsa electorau, era **junta electorau de zòna** a de **convocar** naues eleccions, que s'an de realitzar laguens d'un tèrme de **48 ores**.

Tota era jornada electorau an d'èster presents ena mèsa, aumens, dus des membres.

DUSAU FASA: Votacion

2. Desvolopament dera votacion

Es membres dera mèsa electorau an de tier en compde qu'es electors damb discapacitat poguen exercir eth sòn dret de vòt damb tanta autonomia com sigue possible e an d'adoptar es ajustaments rasonables que siguin necessaris.

☐ Es electors an d'apropar-se tara mèsa **un per un**, dempús d'auer passat, s'ac desiren, pera cabina electorau.

☐ Cada elector diderà eth sòn **nòm e cognòms** ath president.

☐ Es vocaus e es interventors an de comprovar era identitat der elector que presentarà un **document acreditatiu** dera sua identitat:

- ✓ DNI. Non servís eth rebut deth DNI que se tramite, pr'amor que non i a fotografia.
- ✓ Permís de conduir (damb fotografia).
- ✓ Passapòrt (damb fotografia).

S'acceptarà era presentacion d'aguesti documents encara que siguen caducadi, mès an d'èster es originaus. Non s'acceptaràn fotocòpies.

Se maugrat era exhibicion de bèth un d'aqueri documents i a **dobtes sus era identitat der elector**, era mèsa a de decidir per majoria, auent en compde es documents aportats e eth testimoniatge que poguen presentar es electors presents.

Aguestes circumstàncies s'an de **mercar** enes actes dera session corresponenta

2. Desvolopament dera votacion

❑ Es vocau e interventors an de comprovar qu'er elector figure ena listra deth cens. En aguesta listra (facilitada damb eth rèste de documentacion dera mès) i figuren inscrits toti es electors que pòden votar ena mès.

S'er elector non figure ena listra deth cens, sonque poderà votar se presente quaussevolh des documents següents:

- ✓ Ua sentència judiciu que reconeishe eth dret deth votant a èster inscrit en cens dera taula.
- ✓ Ua certificacion censau especifica, expedida pera Delegacion Provincial deth Burèu deth Cens Electoral, que l'abilite entà hèr efectiu eth sòn dret ath vòt en aquera taula.

Es certificacions censaus que pòden èster de dus tipes:

a) D'inscripcion en cens: se referissen a ciutadans que son inscrits en cens electorau, mès que non figuren ena listra certificada enviada ara taula.

b) De correccion d'errors materiaus: an coma objectiu corregir quauques des dades (nòm, congòms o data de neishença) des votants inclutits ena listra certificada deth cens enviada ara taula.

Es dus tipes de certificacions an d'aue-se en compde e s'anotaràn ena listra numerotada de votants entà, posteriorament, computar-les degudament enes actes d'escrutinh e dera session.

Modèl de certificacion censau especifica

Es certificacions censaus especifics non les cau confóner pas damb eth certificat d'empadronament, que non a validesa ad aquest èfècte.

Tampòc, les cau confóner damb es targetes censaus trametudes pera Oficina deth Cens Electoral, a afèctes d'informar ar elector e que non lo identifiquen dauant dera mès electorau e non servissen entà votar.

ETH VÒT EI SECRET. Er elector liurarà dera sua pròpria man ath president era envolòpa de votacion barrada.

❑ Introduccion dera envolòpa ena urna

☐ Anotar ar elector ena listra numerotada de votants

Indicaràn eth numèro damb que figuren ena lista deth cens electorau, o, en sòn cas, qu'an aportat ua certificacion censau especifica.

Er elector a dret a examinar s'a estat ben anotat eth sòn nòm e cognòms ena listra numerotada de votants.

Era envolòpa a d'èster introdusida ena urna peth president, non pas per elector/a.

15

2. Desvolopament dera votacion

Votacion des personas damb deficiència visuau que coneishen eth sistèma braille, qu'utilizen eth procediment de vòt accessible regulat reglamentàriament (en cas qu'ena taula electorau ena quau auetz estat designat membre i age bèra persona qu'an sollicitat era utilizacion d'aguest procediment)

Eth president dera taula electorau o, en sòn cas, bèth un des vocaus, liurarà ar elector damb deficiència visuau qu'age comunicat era sua intencion d'utilizar eth procediment de vòt accessible era documentacion qu'intègre aguest procediment.

Prèviament, cau veerificar, mejançant era exhibicion deth DNI, era sua inclusion ena listra qu'ei en poder dera taula electorau, des personas qu'an comunicat era intencion d'utilizar aguest procediment.

Ena documentacion, er elector i trobarà ues instruccions explicatives dera sua utilizacion, imprimides en sistèma braille.

Eth president o, en sòn cas, bèth un des vocaus, tanben li indicarà e facilitarà er accés ar espaci deth collègi electorau abilitat entara manipulacion dera documentacion liurada.

Un còp seleccionada era sua opcion de vòt, se seguirà eth madeish procediment de votacion descrit entara totalitat des electors.

Rebrembatz que:

- Ua viatge remassada era documentacion, er elector, se vò, se la pòt emportar deth locau electorau e tornar mès tard tara mesa entà eméter eth sòn vòt.
- Aguestes personas, se vòlen, pòden continuar hènt usatge dera possibilitat d'èster assistides per ua persona dera sua confiança entà poder exercir eth sòn dret de vòt.
- Despús dera votacion, ei recomanable qu'eth votant s'empòrte era documentacion qu'a utilizat, entà assegurar eth secret deth vòt emetut.

VÒT PER CORRÈU

Es electors qu'agen sollicitat eméter eth sòn **vòt per corrèu** figuraràn en apendix dera listra deth cens e apareisherà era letra C ath costat deth nòm der elector ena listra deth cens. **Aguesti electors non pòden votar ena mèsa.**

DUSAU FASA: Votacion

3. Fin dera votacion

Entàs 20.00 ores, eth president a d'anonciar en votz nauta que **«conludirà era votacion»**.

S'era votacion s'aguesse interrompuda en quaussevolh moment deth dia, er orari s'a de prorrogar pendent eth temps qu'age durat era interrupcion.

Se dempús d'anonciar-se eth finau dera votacion, i aguessen electors en locau electorau o en accés ad aquest que non an votat encara, eth president **permeterà que vòten**.

Tot seguit, eth president o presidenta a **d'introduisir laguens dera urna** es envolòpes que contien es paperetes de vòt enviades per corrèu, que pòden èster:

1. Vòts des electors qu'an decidit **votar per corrèu**.
2. Vòts des electors **temporaument en estrangèr**.

S'an de seguir es passi següents, **sense desbrembar qu'era envolòpa que conten era papereta deth vòt non s'a de daurir**:

1. **Daurir ua per ua** es envolòpes trametudes ath president dera mesa e comprovar que contien eth **certificat d'inscripcion en cens** e era **envolòpa de vòt per corrèu**. Se i manque eth certificat d'inscripcion en cens, s'a de destruir era envolòpa e tota era documentacion que conten, ja que non pòt considerar-se vòt valable, nul ne en blanc.

2. **Verificar** qu'er elector ei **inscrit en cens dera taula**.

3. **Introduisir ena urna** corresponenta era envolòpa de votacion.

4. **Anotar** ar elector ena **lista numerotada de votants**.

Ara seguida, **poirà votar es membres dera mèsa** e es **interventors** acreditadi ena taula. Ena lista numerotada de votants cau indicar era **seccion e mèsa electorau** des interventors que non figuren en cens dera taula.

20.00 h

S'era correspondéncia electorau arribèsse ena mèsa damb **posterioritat ar acabament dera votacion**, es vòts **non se computaràn** e es electors non s'estimaràn coma votants. Eth president, se se tròbe encara en locau, **remeterà** aquesta documentacion ara junta electorau de zòna.

Es vocaus e interventors signaràn era listra numerotada de votants ath marge de cada ua des pagines, e tanben immediatament dejòs deth darrèr nòm escrit.

Acabada era votacion comence, de forma immediata e sense interrupcions, er escrutinh.

Er escrutinh ei public e non se suspenerà se non ei per motiu de fòrça majora (art. 95.2).

Eth president dera taula:

- ✓ Daurirà era urna,
- ✓ Treirà, ua per ua, es envolòpes dera urna, les daurirà e liegerà en votz nauta era denominacion dera candidatura votada. Es envolòpes dubèrtes s'an de conservar entà recompdar-les posteriorament.
- ✓ Eth president mostrarà era papereta as membres dera mèsa, as interventors e as apoderats.

Es envolòpes dubèrtes s'an de sauvar entath recompde posterior.

Quan s'examinen es envolòpes e es paperetes, damb es vòts valedèrs des candidatures, se pòden trobar casi de:

- Vòts en blanc
- Vòts nuls

Se quauque notari, candidat o representant de candidatura present en acte der escrutinh auesse dobtes sus eth contengut d'ua papereta, la poderà demanar entà examinar-la deuant des membres dera taula.

Nombre de envolòpes introdusides en cada urna = Nombre de votants mercats ena listra numerotada de votants.

Acabat er escrutinh, eth representant dera Administracion sollicitarà ath president dera mèsa es resultats dera votacion entà poder trametre-les ath Centre de Recuelhuda d'Informacion (CRI).

2. Fin der escrutinh. Acta d'escrutinh

Era taula electorau a de:

- ✓ Comprovar qu'eth nombre d'envolòpes trètes dera urna coïncidís damb eth de votants anotadi ena lista numerotada de votants.
- ✓ Resolverà es reclamacions e protèstes contra er escrutinh. Eth president demanarà se i a bèra protèsta contra er escrutinh. Se n'i a, era taula la resolverà per majoritat des sòns membres.
- ✓ Destruirà es paperetes de votacion deuant des presents.

NON cau destrusir pas aquestes paperetes:

- Aques que se les auesse negat validitat (vòts nuls).
- Aques qu'auessen estat objècte de bèra reclamacion.

Damb es paperetes que non se destrusisquen, cau hèr açò:

- ✓ Es membres dera taula i escriureàn era signatura.
- ✓ Se junheràn ara acta de session (un cop que se redacte, depús d'acabar er escrutinh).
- ✓ S'incluràn ena envolòpa numèro 1.

Acta der escrutinh

Depús d'anonciar eth resultat des eleccions, cau **redigir era acta d'escrutinh**, e aumplir aquest formulari acta d'escrutinh, qu'a de figurar entre era documentacion dera taula.

Aquesta acta la **signaràn** eth president dera taula, es dus vocaus e es interventors des candidatures.

Er originau dera acta d'escrutinh s'a de fixar ena part exteriora o ena entrada deth locau e liurar còpies dera acta ad aquestes persones:

1. Una còpia per candidatura as **representants, interventors, apoderadi o candidats qu'ac solliciten** (art. 98.1).
2. Una còpia ath **representant dera Administracion** entà facilitar era informacion provicionau des resultats des eleccions.

TRESAU FASA: Escrutinh

4. Finau dera jornada electorau. Liurament dera documentacion electorau

ENVOLÒPES NUMERO 1 E NUMERO 2:

Eth president a de liurar es envolòpes 1 e 2 en jutjat de prumèra instància o de patz, ena circonscripcion deth quau se tròbe era taula.

Poiràn aconpanhar ath president un vocau e es interventors qu'ac volguen.

Es fòrces e còssi de seguretat aconpanharàn e, se calesse, facilitaràn eth desplaçament d'aguestes persones.

Eth jutge o jutgessa receberà era documentacion e signarà eth rebut corresponent (qu'a d'èster entre era documentacion dera taula).

ENVOLÒPA NUMÈRO 3:

Un des vocaus, aumens, a de demorar en locau electorau enquia que se hèsque eth liurament dera envolòpa numèro 3.

Eth servici de Corrèus enviarà a un/ua treballador/a entara taula electorau, entà remassar era envolòpa numèro 3.

Eth/era treballador/a de Corrèus s'encuedarà dera envolòpa e signarà eth rebut corresponent (qu'a d'èster entre era documentacion dera taula).

Quan s'agen liurat es envolòpes numèro 1 e numèro 2 ath jutge e quan s'age liurat era envolòpa numèro 3 ar/a treballador/a de Corrèus, s'acaben es fonsions deth membres dera taula.

8.00 h

Constitucion dera mèsà

- ✓ Amassada de president, vocaus e remplaçants
- ✓ Comprobacion des elements de besonh entara votacion
- ✓ Admission des interventors des candidatures

8.30 h

Acta de constitucion

- ✓ Estiéner era acta de constitucion dera mèsà electoralau

9.00 h

Votacion

- ✓ Dubertura deth collègi electoralau
- ✓ Votacion

20.00 h

Finau dera votacion

- ✓ Anonci de finau dera votacion e tancament deth collègi electoralau
- ✓ Vòt des electors presents en locau electoralau
- ✓ Introduccion ena urna des envolòpes de vòt per corrèu
- ✓ Votacion des membres dera mèsà e des interventors

Escrutini

- ✓ Escrutinh de vòts: Parlament de Catalunya
- ✓ Estiéner era acta d'escrutinh
- ✓ Estiéner era acta dera session

Fin dera jornada electoralau. Documentacion electoralau

Preparacion:

Envolòpa 1

- ✓ Acta de constitucion
- ✓ Acta dera session
- ✓ Documents dera session
- ✓ Lистра deth Cens electoralau
- ✓ Certificacions censaus e/o senténcias
- ✓ Credenciaus des interventors

Envolòpes 2 e 3

- ✓ Còpia acta de constitucion
- ✓ Còpia actes dera session

Liurament:

Envolòpes 1 e 2

Ath jutjat de 1a. instància
o de patz

Envolòpa 3

Ath/ara treballador/a de Corrèus

Era estricta observança des normes d'orde public ei essenciau ena jornada electorau, e eth president dera mès a ei eth responsable deth sòn compliment.

Eth mantieniment der orde laguens deth locau electorau, e tanben enes entorns, ei indispensable entà garantir era libertat de vòt des electors.

1. Facultats deth president dera mès a

✓ Laguens deth locau electorau, era autoritat exclusiva entara observança estricta des normes de mantieniment der orde public entà assegurar era libertat des electors e eth compliment dera Lei (art.91.1).

✓ Pòt demanar era intervencion des fòrces e còssi de seguretat entà restablir er orde, empedir er accés o expulsar der interior deth locau ad aqueri que se i tròben indegudament.

✓ Evitarà quaussevolh acte de propaganda electorau en acte dera votacion, autant enes locals electoraus com enes entorns d'aguesti.

Se haràn a constar ena acta de session es incidents qu'auessen afectat ar orde en locau electorau, damb indicacion deth nòm e cognòms des que les auessen provocat.

2. Normes d'orde public

Es accèssi ath locau an de demorar completament liures e accessibles entàs personas qu'an eth dret d'entrar-i.

Sonque an dret a entrar enes locaus electoraus aquestes personas:

- ✓ Electors e personas que les agen d'ajudar, s'ac an de besonh.
- ✓ Representants des candidatures.
- ✓ Candidats.
- ✓ Apoderadi e interventors.
- ✓ Notaris.
- ✓ Agents dera autoritat requerits peth president.
- ✓ Membres des juntes electoraus.
- ✓ Jutges d'instruccion e es sòns delegats.
- ✓ Representants dera Administracion.

Non s'a de perméter pas qu'en locau o enes sòns entorns s'amassen grops que poguen dificultar er accés entath collègi electorau.

Non s'a d'adméter era preséncia enes entorns de personas que poguen dificultar o constrénher eth liure exercici deth dret de vòt.

Arrés non pòt entrar en locau electorau damb armes ne instruments que poguen èster utilizadi coma taus, exceptat es agents encargadi de protegir eth locau quan siguen requerits peth president.

Quaussevolha persona diferenta des nomentades mès ensús a d'aueu expressa autorizacion deth president dera mèsa entà entrar o demorar enes locaus electoraus.

Es mieis de comunicacion an de besonh acreditacion dauant era mèsa entà pr'amor d'eméter imatges deth desenvolopament dera votacion. Era gravacion des imatges non poderà, en cap cas, interferir en desenvolopament dera votacion.